



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Jus Cathedraicum Sive Synodaticum.

urn:nbn:de:hbz:466:1-10447

clamor, diffamatio apud bonas & graves personas, quia sæpè à calumniatoribus, malevolis, vel inimicis potest oriri, & fama debet esse tanta, quòd non possit sine scandalo tolerari, Host: tit: de inquisit: §: quomodo procedatur, num: 4. ubi etiam addit, quòd non ad primam infamiam iudex moveri debet, nec si duo, vel tres juraverint, se vidisse aliquem committere aliquid, vide Cajet: 2, 2, q. 69, ar: 2, c. cum oporteat, de accu.

Secundò, si Iudex vellet inquirere contra aliquem, & ille obstarer, dicens, ne procedas contra me per viam inquisitionis, sed da terminum accusatoribus, accusent, quid agendum est Iudici? Respondetur, quòd non tenetur stare ejus dicto, Host. loc. cit: num: 7.

Tertiò, an Ordinarius possit procedere ad inquisitionem, infamia non præcedente, prout dictum est superius, §. II.

Respondetur, Archid: & Gem: in c. non est, ver: quero an Ordinarius, de consuetud: lib: 6. quod aut ad finem, ut subditus emendet peccatum, & pœnitentiam agat, & tunc potest, aut ad finem ut eum removeat à dignitate, vel ad privationem, & tunc non potest, & hoc videtur etiam habere Host. in c. 1. de off: ord. facit pro his quæ dixi in 1. p. in ver: visitatio, §: 5, ver: primum dubium.

JUS CATHEDRATICUM SIVE SYNODATICUM.

Primò, Jus cathedralicum, sive synodaticum, unde ortum habuit, & Rrax. Episc. Pars II.

quare debeat Episcopo, vide in ca. placuit, 11, q. 3. & c. priscus, & ibi gl: quia antiquitùs contingebat Episcopo tertia pars oblationum, quæ fiebant in Ecclesiis, c. de his, & seqq: 11, qu: 1. postea verò ista tertia commutata fuit in jus cathedralicum, sive synodaticum, in Conc: Brachar. prout d: ca: placuit, hinc patet, posse tolli consuetudine, quia Reb: tract: de dispens: rat. et a. in ver: nec non debitis, num: 4. dicit, quòd illa tertia pars synodatici debebatur Episcopis, quia erant pauperes, & sic Archiepiscopo Beneventano, nunquam vidi dari hoc à presbyteris civitatis, sed solum à presbyteris diœcesis, Archiepiscopo Surrentino, à neutris, Amalphiçæ, similiter nec Minori, & Neapoli unum scutum, seu quinque carlenos, vide Nava. conf: 3. de cens. sed quando Episcopi laborarent paupertate, sicut quòd dictum est de subsidio charitativo, quòd annuit Glo: in d: capit: de his, in ver: tertia, nec propter hoc ablatum est, ne Episcopi possint accipere partem aliquam oblationum, quæ fiunt in Ecclesiis, vel in die anniversarii dedicationis, vel sollemnioribus, ubi adest laudabilis consuetudo, ita §. cathedralicum, 10, q. 3. sicut Minori in Ecclesia mea, in die translationis sanctæ Trofomenæ, die 13, Julii, vide Affl. in const. quòd ceteris, nu: 36. vide infer: in ver: oblationes, §. 1. & si dices quòd ista sunt jura impræscriptibilia, ut hoc jus, procuratio, subsidium charitativum, & alia, de quibus Nico. Bal. tract: de præscrip. Respondetur, quòd possunt tolli consuetudine, licet non præscriptione,

M

pro-

prout dictum est *suprà in ver. consuetudo*. Dices, nec consuetudine, respondetur, quòd potest alia contraria consuetudine tolli: nam consuetudo una potest per aliam contrariam tolli, prout dictum est *in ver. confessor, & in pract. mea penit. ca. 15. q. 2.* vide Jo. de Selua *tract de benef. 3 p. q. 36.* Nav. *in cap. placuit, ver. quæro tertio, de peni. dist. 3. Gl. in Extravag. execrabilis. Joan: 22. in ver. procuraciones, de præb. & dign. facit quod notat Jason in lib: jubemus, in fin. de transfact. ubi ait posse transigi super procuratione, quæ debetur visitanti.*

JUS PATRONATUS.

Primò, Jus patronatus quomodo non debeat concedi?

Respondetur, quod propter augmentum fructuum non debet concedi, Pius V. *Bul. 69: qua incipit, in sublimi,* nisi ex causa fundationis, vel dotationis, ita Sac. Conc. Trid: *sess: 25: c. 9: de refor. initio.*

Secundò, Jus patronatus, an possit permutari absque consensu patroni, vide *inferius, in ver: permutatio, seu resignatio, §. septima,* ubi habes, quòd sic.

Tertio, si cavetur in fundatione, ut tres cognati de familia præsentent, & tantum duo præsentant, & præsentatus dicat non extare alios, quàm duos prænominatos de dicta familia, satis est præsentato, & qui vult probare contrarium, ipse probet. *Ruin. cons: 187: col. 2: vol: 1: & cons: 144: col: fin. vol. 2. Caputaqu. dec. 364. p. 2.*

Quartò, collatio Ordinarii facta de

beneficio juris patronatus, patrono non præsentante, aut contradicente, valet. *Idem decis: 133: p. 1.*

Quintò, an possit donari absque consensu Episcopi, vel Papæ?

Respondetur, prout *sup. §. secunda, ver: 2.* & iste consensus potest accedere, & venire post donationem, idem *decis: 282: 1: p. & valet donatio juris patronatus facta compatrono absque consensu Episcopi, idem loco citat. & decis: 287. ex Lambert. & Roch. de Cur. in ver. competens, qu. 7.*

Sextò, si patroni sunt plures, si unus præsentat sine aliis, & præsentatus fuit institutus, & possessionem accepit, non ideo illi compatroni dicuntur privati eorum quasi possessione, *Federicus de Senis cons: 142. in ult. Abb: cons: 84. volumine primo, Caputaqu. decis: 292. par: 2. & 366. & 419.*

Septimò, quia dictum est *superius, §. secundo, ver. 5.* quòd donatio juris patronatus potest fieri compatrono sine consensu Episcopi, hoc tamen limita, quòd non filio compatroni, absque dicto consensu Episcopi, quia filius compatroni non est compatronus, modò dubitatur, si fiat donatio juris patronatus filio compatroni ab aliquo compatrono, cum consensu Episcopi, an ipse filius possit præsentare ad jus patronatus, vivente patre, vigore illius donationis sibi factæ ab alio compatrono.

Respondetur negativè, *Lamber. de ju. patr. Maran. sexta par. qu. princ. secunda. p. ver. quomodo si pater, Caputaqu. decis: 265. & 13. 1. p. 2.*

Octa-